



Reykjavíkurborg

Borgarstjórnin í Reykjavík

Reykjavík, 7. maí 2019

R19030140

250

Borgarráð

Svar borgarstjóra við erindi Útlendingastofnunar er varðar þjónustusamninga við umsækjendur um alþjóðlega vernd

Útlendingastofnun sendi borgarstjóranum í Reykjavík bréf, dags. 13. mars 2019, varðandi forathugun stofnunarinnar á vilja Reykjavíkurborgar til að gera þjónustusamning vegna umsækjenda um alþjóðlega vernd. Svar borgarstjóra við erindinu, dags. 7. maí 2019, er lagt fram til kynningar.

Dagur B. Eggertsson

Hjálagt:

Bréf til borgarstjóra frá Útlendingastofnun: Forathugun á vilja bæjarráðs/sveitarstjórnar til að gera þjónustusamning við Útlendingastofnun vegna umsækjenda um alþjóðlega vernd, dags. 13. mars 2019

Svar borgarstjóra við erindi Útlendingastofnunar er varðar þjónustusamninga við umsækjendur um alþjóðlega vernd, dags. 7. maí 2019

Til bæjarstjóra / sveitarstjóra

Kópavogi 13. mars 2019


Efni: Forathugun á vilja bæjarráðs / sveitarstjórnar til að gera þjónustusamning við Útlendingastofnun vegna umsækjenda um alþjóðlega vernd

Með erindi þessu óskar Útlendingastofnun eftir afstöðu bæjarráðs / sveitarstjórnar til þess að gera þjónustusamning við stofnunina er snýr að félagslegri þjónustu og stuðningi við umsækjendur um alþjóðlega vernd, á meðan þeir bíða niðurstöðu vegna umsóknar sinnar. Núverandi samningar stofnunarinnar eru við þrjú sveitarfélög, Hafnarfjarðarkaupstað, Reykjanesbæ og Reykjavík en vegna fjölgunar umsækjenda s.l. mánuði er fyrirbyggjandi að núverandi þjónustusamningar anna ekki fjöldanum. Þjónustan snýr m.a. að því að veita umsækjendum húsaskjól, fæði og félagslegan stuðning. Hér meðfylgjandi er afrit af samningi við Hafnarfjarðarkaupstað til nánari glöggvunar á fjárhæðum og eðli þjónustunnar. Er sérstaklega vísað til viðauka I sem gerir nánar grein fyrir þjónustunni.

Hafi bæjarráð / sveitarstjórn áhuga á að gera þjónustusamning, er farið fram á að stofnuninni verði sent svar við erindi þessu til undirritaðrar, helst fyrir lok þessa mánaðar. Hér er verið að horfa til þjónustu við a.m.k. 40 - 50 umsækjendur en ekki er útilokað að semja um færri í þjónustu séu skilyrði til staðar.

Með von um góð viðbrögð og skjót svör.

f.h. Útlendingstofnunar,


Kristín Völundardóttir, forstjóri
k.volundar@utl.is

Fylgiskjal:

Samningur Útlendingastofnunar og Hafnarfjarðar um þjónustu við umsækjendur um vernd, dags. 18. desember 2018

Erindi þetta er eingöngu sent rafrænt.



Reykjavíkurborg

Borgarstjórnin í Reykjavík

Reykjavík, 7. maí 2019

R19030140

250

Útlendingastofnun

Skógarhlíð 6
105 REYKJAVÍK

Svar við erindi Útlendingastofnunar er varðar þjónustusamninga við umsækjendur um alþjóðlega vernd

Vísað er í erindi frá Útlendingastofnun, dags. 13. mars sl., þar sem óskað er eftir afstöðu sveitarstjórnar til þess að gera þjónustusamning við stofnun er snýr að félagslegri þjónustu og stuðning við umsækjendur um alþjóðlega vernd, á meðan þeir bíða niðurstöðu umsóknar sinnar.

Reykjavíkurborg hefur undanfarin ár gert samning við Útlendingastofnun um þjónustu við umsækjendum alþjóðlega vernd. Samkvæmt samningi fyrir árið 2018 samþykkti Reykjavíkurborg að veita allt að 200 umsækjendum um alþjóðlega vernd þjónustu. Drög að samningi Reykjavíkurborgar og Útlendingastofnunar fyrir árið 2019 voru samþykkt í borgarráði þann 2. maí sl. en samkvæmt þeim samningi mun Reykjavíkurborg nú veita allt að 220 umsækjendum þjónustu, sem er 10% aukning.

Samkvæmt fréttum eru brögð að því að sveitarfélög skorist undan að veita umsækjendum um alþjóðlega vernd þjónustu. Það eru vonbrigði og býðst Reykjavíkurborg til að kynna reynslu sína af verkefninu fyrir hikandi eða neikvæðum sveitarfélögum, ef Útlendingastofnun óskar eftir. Sem fyrr er Reykjavíkurborg einnig tilbúin til frekari viðræðna við Útlendingastofnun um aukna þjónustu fáist ekki nægilega mörg sveitarfélög til að veita slíka þjónustu.

Dagur B. Eggertsson

